

الديوان الرابع

مسحراتى الحرب

الجزء الثانى

مقدمة

في الجزء الاول من « مسحراتي العرب » الصادر في عام ٢٠٠٢ عن الهيئة العامة للكتاب.. نشرت عشر ليالٍ وكتبت في المقدمة: « ان كان في العمر بقية.. وان كان في الشعر مدد.. تقابلنا سويا على مقدمة ديوان يحمل بين طياته ما ثقل على تفكيرنا وتسجيرنا. ديوان.. في ثلاثين ليلة كرمضان مكتمل.. أسميه مقدهما. ان شاء الواحد القهار. مسحراتي العرب ايضا.. اتلوه بصوتى بين المحيط والخليج.. أصحاب فيه الرسول والعذراء.. وفلسطين والشهداء.. واسعى مع هاجر بين صفا الوطن ومروته.»

وها هو الجزء الثانى من مسحراتي العرب وفيه عشر ليالٍ جديدة.. مكتوبة بيد القابضين على الجمر.. من المؤمنين بدولة الوحدة العربية.

اذن.. فهذه عشرون ليلة في انتظار المدد.

ومرة ثانية: ان كان في العمر بقية.. وان كان في الشعر مدد.. تقابلنا سويا على مقدمة ديوان في ثلاثين ليلة كرمضان مكتمل.. اسماه علام الغيوب.. « مسحراتي العرب ».

جمال بخيت

ذو القعدة ١٤٢٩ هجرية

نوفمبر ٢٠٠٨ ميلادية

بغداد وجماليها

مسحراتى العروبة
حس الجبال والبوادي
حادي الجمال للخصوبة
نويت أسحر بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحر صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتي العرب
من قلبى بدعيها
بغداد وجمايها
صحبة زهور عشتار
ما اقدرش ابدلها
مايل على ميلها
اشرب موويلها
اشرب .. واغازلها
اطلب خلود ودها
تغزلى واغزلها
وأهز ف نخيلها
تسقط ف حجرى النجوم
تشدو ..
أغني لها ..
صحبة زهور عشتار
ما اقدرش ابدلها
ما اعرفش نور الشعر
لولا خيال ليها
من لحنها الموصلى

لرشيده قناديلها
من دجلة أوم الفرات
جانى نسيم نيلها
سلسال من العباس
عاشق صهيل خيلها
بغداد شعور لؤلؤة
وانا كلى شوق .. للقا
وحنين .. لتريلها
رمش الحنين .. ارتجف
انا بوست ايد النجف
وجميل شمائلها
من ام قصر .. بشوق
جاىالى نسمة ضوء
شايلة رسايلها
ليلى المريضة هناك
قالت باحب نداك
من قلبى قولت لها :
انا باحب العراق
وباعشق الحلاج
انا باحب العراق
وباكره الحجاج

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قاييمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

يا نيران الظلم الدوامة
خليكى بردا وسلاما
البصرة هاتخرج م الحسرة
وهاترفع للنصر علامة

موال الحب صبا عراقى
بينور أرضى وسمائى
لو يوم ودع بكرة يلاقى
أجبالنا .. مرفوعة الهامة

" يافالوجه " يا زينة اراضينا
" النجف الاشرف " يهدينا
أما " العمارة " بتشجينا
ويتنطق بفداء وكرامة

وحياة " الحلة " وأشواقها
أشلائى هاتجَمع أشلائها
يفرحوا شهدائى بشهدائها
ولا يبقى ف اولادنا يتامى

المؤدى:

مدد يا سيدنا الحسين

يا سيد الشهداء

مدد يا سيدنا العراق

يا سيد النهرين

الرافدين دمعتي

ع القلب والحدين

وف كربلاء صرختي

بتنادى ع الخلفاء

فين ف القلوب .. معتصم

أوف الفدا .. أسماء

فِين ف الكرم .. حاتمى
أَوْ ف النظر .. زرقاء
فِين ف الحروب .. عنترة
أَوْ ف المدين بتراء
فِين ف العشيرة .. مضر
أَوْ ف الحضر .. شهباء
فِين ف الليالى .. سهيل
وَبُرَاقِي ف الاسراء
من بدر ف الغزوات
صاعد لأعلى سماء
مدد يا شمس العرب
مدد .. مدد يا عراق
سيفك يا سيف الدول
متنبى ف الشعراء
نَوَّر حروف اللغة
من الألف .. للياء
يا كوفة يا ساهرة
فى بدر سامراء
صاحبى ف ليلك .. علي

أحكم من الحكماء
والموصلى .. واصلى
مع واصل ابن عطاء
اصحاب حنين .. عائلى
اخوان صفا .. وصفاء
صاحبى ف ليلك ولي
جاحظ .. بلا بخلاء
حلّاج .. برغم العفر
صاحب شموع وبهاء
وبساط خيال ف السفر
للرازى .. ف العلماء
يا كوفة يا ساهرة
فى بدر .. سامراء
صاحبى ف ليلك نبى
أمة ايمان .. وضياء
مدد يا سيدنا ابراهيم
والأنبيا أبناء
مدد يا سيف الدول
مدد .. مدد يا عراق

سهم المقاومة انتفض

يعلو على العلياء

ياما مغول انتهوا

ياما عبرت وباء

ياما تثار .. انطفوا

ياما فنيت أعداء

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعاً موحدين

إياك نعبد ونستعين

بُساطنا سحري

مسحراتي العروبة
حس الجبال والبوادي
حادي الجمال للخصوبة
نويت أسحرَّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرَّ صباحى
أهلى وبيتى وبراحى
واصحى حتى اللى صاحى
يارب نورَ فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتي العرب

وزادى

من شهرزادى

قالتلى : اسمع كلام فؤادى

وتعالى باللائلم عيلة

على ألف ليلة

وألف بحر

خيال وسحر

وسندباد

وملوك وسحرة وسيافين

وكنوز وجن

وصيادين

وقلب يخرج من الشمال

علشان يدقدق على اليمين

عفريت ف قمقم

بخور ونار

وجوارى ترقص لشهريار

وجوارى تانية حوالية جلوس

وفقير يكمل عشاءه نومه
يطلع له مارد من الفانوس
يقوله : أمرك ..
سمعاً وطاعة
وساعتها ينسى فضل القناعة
شوف البراعة
لما نعالج بالفن خوفنا
من الخيانة
ولما نجعل عفاريت خيالنا
تلعب معنا
يا شهرزادنا .. يا شهرزادنا
اجمل مسلسل مكتوب بإيدنا
اجمل رواية
ونسج درامى
يجمع دموعى على ابتسامى
على بابا سرق اربعين حرامى
على بابا واحد من الغلابة
سرق فلوسهم
من العصابة !!

دى تبقى دنيا .. دى .. ولا غابة

دى جريمة ولا

دا أمر عادى؟!!

إيه الحكاية يا شهرزادى?!!

قالتلى : حاول تفهم مرادى

سر الحكاية مش ف الفلوس

ولا الجواهر ولا الياقوت

سر الحكاية " افتح ياسمسم "

هيه اللى صبحت

ف ايديك

" ريموت "

العلم هو طفل الخيال

يكبر ف قلبك

تعمر بيوت

العقل يخرج من التابوت

من بعد علم وخيال ومادنة

ليه اترجعنا?!!

وليه كسدنا?!!

وليه رجعنا .. وغيرنا سادنا?!!

واما زرعنا ..
ليه اتحصدنا؟!
لو كُنَّا بعد الخيال أجدنا
كنا وجدنا
زمن انتصارنا
مع شهریارنا
وخذنا زادنا
من شهرزادنا

المنشد:

مبروك عليكو النهار
ياللى انتو صاميينه
مبروك عليكو الليل
ياللى انتو قائمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

الغنى:

جيران وعشرة .. أصحاب وعيلة
شايلين حمولنا مع بعض شيلة
نعدي بيها بحر الزمان
نفرد خيالنا شرع أمان
ولما نوصل شط الحنان
نغني صحبة : هيلا هيلا هيلا
ونقضي ليلة بألف ليلة

يا سندبادي .. يا سندبادي
صديقي بادي وعدوي بادي
بس الطلاسم واقفين قصادي
تعالى نبداً من الليلة دي
بنفس راضية وقلب راضي
نفتح لنور الأمل بيبان
ولما نوصل شط الحنان
نغني صحبة : هيلا هيلا هيلا
ونقضي ليلة بألف ليلة

سألنا مرة مشكاح وريما
قالوا : اخترعنا، وناس لثيمة
خدوا بنورتنا .. سموها سيما
ولإمتي نفضل يا قلوب حكيمة

توجعنا خبطة ونقول سليمة
قوموا بينا نسبق قبل الأوان
ولما نوصل شط الحنان
نغني صحبة : هिला هिला هिला
ونقضّي ليلة بألف ليلة

المؤدى:

بساطنا سحرى

افرد بساطك

وابدأ ف درب الحياة

نشاطك

واعرف حبيبك

من اللى شاطك

وخذ خيالك .. وقال بتاعه

وعاد وباعلك من اختراع

افكار تجارته .. داخل متاعه

تشوف بعينه ..

تسمع .. سماعه

وكأن قلبك من ابتداعه

من تحت رجلك صاحب بساط

مع ان جدك صاحب بساط

وقف وقال له يطير .. ف طار

وقال له انزل ..

سمع كلامه

نزل وحط على سطح بيته

كان سطح بيته

أول مطار

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعا موحدين

إياك نعبد ونستعين

نور الأئمة

مسحراتى العروبة
حس الجبال والبوادى
حادى الجمال للخصوبة
نويت أسحر بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحر صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتي العرب
ماشى ف طريق ممتد
اسمه الحنين للغد
مهما المحن تشتد
مهما النهار اسود
لو سهم عدل ارتجف
أو سهم حق .. ارتد
اسلامنا ثورة بجد
طاقة مدد .. للمد
تزرع كرامة عمّر
فى قلب بانى السد
اسلامنا ثورة بجد
ولا الغنى .. بالمال
ولا الفدا .. اقوال
والعزة .. بالاهوال
مش بالدموع الخد
اسلامنا ثورة بجد

باسم الضمير تتحكى
بالحنفي والحنبلي
والشافعي والمالكي
العقل لما اهتدى
صنم الخرافة انهد
آدى سبيل ربنا
للاجتهاد والكد
الرحمة للى عصى
من غير جدل ولا صد
بالود والمغفرة
تهدى قلوب كافرة
الوحدانية هدف
بس الطُرق تتعد
زرعوا الأئمة شجر
أصل وفروع تمتد
كبر السؤال أو صغر
تلقي الجواب ع القد
يادنيا عندى الرد

مهما هاتشبيكي
بالحنفي والحنبلي
والشافعي والمالكي
نور الائمة .. جهاد
في مكة أو بغداد
وف مصر وف يثرب
ف القدس والمغرب
نور العدالة .. إمام
صابر على الايام
لا ينحنى للغير
يحنو على الايتام
ناطق بكلمة حق
الآه ف وقت الآه
واللأ ف وقت اللأ ..
لو ميت جبل ينشق
ما ارجعش عن كلمتي
ما ارجعش عن وقفتي
في وجه كل طاغوت
العدل هو العدل

حتى ف طريق الموت

يا أمة الشهداء

مايهمكيش جبروت

الحق لو كان جمر

بالجمر ..

إستمسكى ..

بالحنفي والحنبلي

والشافعي والمالكي

المنشأ:

مبروك عليكو النهار

ياللى انتو صايمينه

مبروك عليكو الليل

ياللى انتو قايمينه

مبروك عليكو الشهر

رحمة وعبادة وشفأ

وفتح بالمعرفة

من العلى العظيم

الغنى:

منك وإليك .. وتُكالى عليك
انت اللى حامينى ف كل طريق
ياكريم ياغفور .. ارزقنى بنور
وبكلمة حق .. وقلب جرىء

نور الاسلام .. حق الايتام
حق الضعفاء .. ياخدوه بسلام
حق المظلوم .. أولى من الصوم
وقيامة تقوم .. ولا ظلم برىء
منك وإليك .. وتُكالى عليك
انت اللى حامينى ف كل طريق

مع أى براح .. انا طير صدّاح
دا العبد شقى .. والحُر ارتاح
وحماية الناس .. مش بالحراس
الشورى اساس .. بالعدل تجيء
منك وإليك .. وتُكالى عليك
انت اللى حامينى ف كل طريق

المؤدى:

نور الائمة
قد المهمة
احساس وهمة
وقلوب شريفة
العقل راية
والعدل غاية
والشافعي يسمع
لابو حنيفة
عرق جبيني
يحفظ لي ديني
لسنا عبيداً
عند الوظيفة
والحق أولى
ف كل دولة
وليس منحة
من الخليفة
الختام:
أنا باغنى يا مؤمنين
غنوة محبة لكل دين
الإنسانية قالت أمين
يارب جمعاً موحدين
إياك نعبد ونستعين

مليون شهيد

مسحراتي العروبة
حس الجبال والبوادي
حادي الجمال للخصوبة
نويت أسحرَّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرَّ صباحى
أهلى وبيتى وبراى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتى العرب
حالف لابوس الايد
مليون شهيد وشهيد
هية الجزائر بعيد؟!
ولا احنا مش فاكرين?!
مليون قدر وبقين
افواج ورا افواج
اطهر من الحجاج
ساعين ف ليل الوطن
أعواد من الرياحين
اجمل من التغريد
هية الجزائر بعيد?!
ولا احنا مش فاكرين?!
مليون ونص وشهيد
لموا سنين عمرهم
وادوها لوطنهم
للخضرة والرملة
والتضحية الكاملة
قالوا الرحيل للوطن

يولد آيات شاملة
يولد ايدين عاملة
ينسج خيوط حلمنا
يهدينا عمر جديد
هية الجزائر بعيد؟!
ولا احنا مش فاكرين؟!
غنوتها ساقية حنين
بتلف تسقى البلاد
على الشمال واليمين
ثورتها فينا تدوب
ما فيهاش رضا ايوب
توصل لكل الشعوب
بسحر صوتها وسكوتها
وبأسها ف الحروب
ونُطقها للشهادة
ونبضها ف القلوب
وشموس تحاوط نهارها
ما يدوقش طعمه الغروب
يتهنى بيه المرید
هية الجزائر بعيد!؟

دى خطوتين م الدار
وخطوة واحدة بس
من بيت عمر .. مختار
ليبي العروق والدم
شهيد وسيرته أتم
من سيرة الانسان
ف الصحرا قادر يشوف
نور النقط ع الحروف
ف الريح تطيب الجراح
والروح تشيلها الكفوف
تفدي ابتسامة وليد
هية الجزائر بعيد؟!
دى خطوتين م الدار
وخطوة واحدة بس
من بيت عمر .. مختار
ليبي الحنان والخيال
طالب حدود الكمال
يرعى النسائم ف ارضه
يسقيها نبع الجمال
تفديه عيون الرجال

عمره اللي سال ع الرمال
زرع النشيد ف الجبال
القلب حفظ النشيد
هيه الجزائر بعيد؟!
من دنشواى ..
زهران ..

يحضر إلى وهران
يلقى الجهاد سهران
فى حلم شايب عنيد
هيه الجزائر بعيد؟!
دى بتسرى جوه العروق
تندهللى .. أشرق .. شروق
احيا .. وأعشق .. وادوق
طعم الحياة ف الوريد
هية الجزائر بعيد؟!
انا املك إيه ف الضماير
إلا عيون الجزائر
هيه اللي نامت وصحيت
على حلم ملهم وناير

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

جاية الجزائر جاية
وردة ف ارضى العربية
جى نهارها ولياليها
عدل وحب وحرية
جاية الجزائر أوراق
مكتوبة بدم العشاق
وتحكى بأجمل اشواق
عن تواريخنا الثورية

جاية الجزائر بالحب
بالحرية .. نخطى الصعب

اسم شهيدها جوه القلب
رافض ذل العبودية

جاية الأيام يا وهران
يا آية صنعها الرحمن
نتلاقى ف حـضن الاوطان
ويا نسيم الفجرية

جاية يا قسنطينة رجال
وكفوفهم من صخر جبال
أجبالهم عطر الأجيال
شايلاهم جوه عينيا
جاية الجزائر مواعيد
بين الفرح وبين العيد
الإيد تتحط على الإيد
نتوحد يا جزائرية

جاية الجزائر أنوار
من غير قضبان ولا أسوار
جنة بتضم الأحرار
أبطال الأمة الحية

المؤدى:

لو الوطن كلمة بتتحب
ونورها طارح جوه القلب
تبقى الجزائر كلمتنا
لو الوطن نسمة بتتحس
وهية حلم العمر وبس
تبقى الجزائر نسمتنا
لو الوطن احساس وشعور
بيغنى مرة .. ومرة يثور
تبقى الجزائر نور على نور
وتبقى وردة عربتنا

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعا موحدين
إياك نعبد ونستعين

* * *

مسحراتي العرب.. وغيرهم

مسحراتي العروبة
حس الجبال والبوادي
حادي الجمال للخصوبة
نويت أسحرَّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرَّ صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يافرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتى العرب .. وغيرهم
كل اللى كانوا حافظين ضميرهم
الدنيا مهما تعند معاهم
ترجع وتمشى على خط سيرهم
ف الصبح كانوا شمس عيونى
والمغربية بينورونى
وف عز ليلى ..
وانا المسحر ..
كانوا بقلوبهم يسحرونى
كانوا ف عمرى نهر العذوبة
وف كل مسكن بنولى طوبة
مع ان شوقهم .. ماكانش عربى
ولامرة داقوا
طعم العروبة
إسلامنا رحمة وانسانية
على مودة على صدق نية
وابن حوا .. وابن آدم
هو شقيقى .. ف الدنيا دية

مين اللي قال ان " بوذا " عاصي

وولاد ولاده بالمليارات

مين اللي قال ان قلبي وحده

هو اللي ماشى على الصراط

صاحبت " غاندى "

وحلمت حلمه

وشربت منه احلى الصفات

لبست توبه وغزلت غزله

وقعدت جنبه على البساط

نادانى " نهرو " .. اسبح ف نهره

وانا عزمته على الفرات

وهناك ضحكنا مع " شارلى شابلن "

وكنا غاية فى الانبساط

" جارودى " قابلنا

ع النهر ذاته

وقرانا " جوته "

شعر اللي فاتوا

" طاغور " عزمنا على حياته

ناخذ وندى

بلا اشتراط

خلوا قلوبكو .. داخل رءوسكو

والحكمة دايمًا تحرس نفوسكو

" بوشكين " دعانا لحد موسكو

سمّعنا شعره ف الشقراوات

الحب عذرى

و " افلاطونى "

علمنى احبس جميع ظنونى

وافدى الحبايب بنور عيونى

ولا اسيب عيونى .. للاغراءات

" مولير " دعانا

عشقنا ناسه

وشربنا طعم الحياة ف كاسه

ظهر " دافنشى " .. وظهر " بيكاسو "

ألوان جميلة .. ف الاختلاط

ألوان جميلة والكل يحضر

بلجيكى ابيض أو صينى اصفر

برازيلى بنى .. بضحكة سكر

" بيليه " بهرنى ..

ساعة ماشاط
وف الرياضة .. وف الصناعة
والطب طبعا .. وف الزراعة
للعلم قولنا ..
سمعاً وطاعة ..
من الفلوكة .. للعبّارات
قرأت آية " إقرأ " لغاية
مالقيت ضميرى ف العلم فايت
" عباس " بعتنى
" للاخوة رايت "
و " الاخوة رايت " .. للطيارات
بلاد تروحلى .. وبلاد أجيلها
عالمها دايماً .. يغلب جاهلها
" الفيمتوثانية " ندهت " زويلها "
خُدم المحبة .. مليون قيراط
شوفى الأشعة ياست " كورى "
هاتلاقى قلبى
ماين سطورى

" اديسون " ينور

مصباح شعوري

الله اكبر ع الاشراقات

صحصح دماغك لو كنت عايز

مش بس " نوبل " ولا الجوايز

العلم دائما هو اللي فايز

صاحب جلالة .. جوة البلاط

المنشأ:

مبروك عليكو النهار

ياللى انتو صايمينه

مبروك عليكو الليل

ياللى انتو قاييمينه

مبروك عليكو الشهر

رحمة وعبادة وشفأ

وفتح بالمعرفة

من العلى العظيم

المغنى:

البشر جوة البيوت..

والطيور فوقنا تفوت..

والسمك سابح ف بحرہ..

والشجر فوق الشطوط..

كلنا ف الكون حبايب..

كلنا ف الكون صحاب..

القمر م الشمس نوره.. واحنا بكرة رح نزوره

والمطر نازل علينا.. كلنا عارفين شعوره

واما تتفتح زهوره.. نعشقه من غير شروط

كلنا ف الكون حبايب..

كلنا ف الكون صحاب..

يا حبيبي تعالى جنبي.. داانت نبضك جوة قلبي

دوبته فيك أو دوبت فيا.. شئ طبيعي وليه نخبي

قول باحبك قول يا حبي.. واوعى تغرق ف السكوت

كلنا ف الكون حبايب..

كلنا ف الكون صحاب..

المؤدى:

الحب عامل ع الغل غارة
علشان يعود الربيع .. منارة
الحق يعلا بالانسانية
والمُر يشفى من المرارة
" موتسارت " يشعر .. بالسيمفونية
" نكروما " ياخذ بإيد " جيفارا "
" ماركيز " يقابل " راسل " و " تيتو "
ويقولوا جمعا : ان الحضارة
م الفكر حبة
م الشعر حبة
والباقى ثورة
لو بالحجارة
الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعا موحدين
إياك نعبد ونستعين

حواء

مسحراتي العروبة
حس الجبال والبوادي
حادي الجمال للخصوبة
نويت أسحرَّ بلادي
مهد النبوة ف ضميري
نور الحضارة ف مصيري
ومسيرى أوصل مسيري
أو يوصلولي ولادي
نويت أسحرَّ صباحي
أهلي وبيتي وبراحي
واصحى حتى اللي صاحي
يارب نور فؤادي
رمضان جمعني بصوتي
وصلاتي رفضت سكوتي
يا فرقة لازم تموتي
يا حسي لازم تنادي
الله اكبر الله اكبر
لا اله إلا الله

المؤدى:

مسحراتى العرب

واحنا معاه ماشيين

ينده نقولّه آمين

حواء ف قلب اليقين

شهيدة ف الاسلام

وأم للمؤمنين

صابرة وایمانها ماليتها

صاحبة مكانة وفقية

وشاعرة .. بحنين

خديجة من أمنت

وعائشة أيقنت

وفاطمة الزهراء

وحليمة والشيماء

وها هي اسماء

ابوها ويّا النبي

فى هجرته لله ..

تسعى إليه .. وإليه

تنده بحب عليه
جاييه الطعام والماء
في وحشة الصحراء
وها هي اسماء
شقت حنانها اتنين
ابو بكر أب حنون
شايلاله نور العين
اما النبي ف الروح
فوق السما شايفاه
سر الوجود ..
أعلاه ..

سبحانه من أرسله
رحمة وعطاء وحياة

ابو بكر أب حنون
اما النبي ف الكون
يعدل ميزان مولاه
خديجة من آمنت

وعائشة ايقنت
وفاطمة الزهراء
وحليمة والشيماء
وها هي الخنساء
تبكى على صخرها
أخوها
طول عمرها
تهدى إليه شعرها
وتنوح سنين وسنين
شابت مع الاعوام
قالت مع الالهام
في الجاهليه البكا .. والنوح ..
وف الاسلام
الفرحة للشهداء
والحب والاكرام
لحقت رايات الحق
مرفوعة باسم الله
أولادها ف المعركة
وقلبها للنبي

تسعى إليه وإليه
تنده بحب عليه
استشهدوا الأولاد
قالت شهادتهم
فيها سلامتهم
مبروك سلامة النبي
فوق السما شايقاه
سر الوجود ..
اعلاه
سبحانه من أرسله
رحمة وعطاء وحياة
الابن ابن حنون
اما النبي ف الكون
يعدل ميزان مولاه
خديجة من آمنت
وعائشة ايقنت
وفاطمة الزهراء
وحليمة والشيماء

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

طول عمر حوا
ف القلب جـوة
حنان وقـوة
إحساس وشهد

احضان تضم .. والخير يعم
أمة وأم .. توعدنا وعد
بأحلى نزهة .. ممكن نعوزها
جمالها أزهى .. من أحلى ورد

ف الحب .. أولى .. ملكة .. ورسولة
واخدة البطولة .. ف كل مجد
تقدر تعدى .. من التحدى
مخلوقة تدى .. أمل .. بجد

صابرة وشهيدة .. حرة وعنيدة
ساعة المكيدة .. تعرف ترد
بألف صفقة .. على أى أفعى
للشر دافعة .. ملايين .. تُعد

إيمانها صافى .. وخيالها دافى
وحنانها وافى .. ما يخلى برد
أنا جنينها .. ووجودى منها
أبوس جبينها .. بكل ود

المؤدى:

قومى اخرجى من الكهف

قومى افرحى بالوعد

راحت سنين الوأد

يا امنا الحرة

يا زوجة يا ابنة

يا أخت يا حبيبة
يا مدرسة عليا
وسفيرة وطيبة ..
هذا نبي الاحرار
يهدى البشر .. ويؤم
ويقول لمن يسأله
الأم .. ثم الأم
رفقا بمن احسنت
خديجة قد آمنت
وعائشة أيقنت
وفاطمة الزهراء
وحليمة والشيماء

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعا موحدين
إياك نعبد ونستعين

بلال

مسحراتي العروبة
حس الجبال والبوادي
حادي الجمال للخصوبة
نويت أسحرّ بلادي
مهد النبوة ف ضميري
نور الحضارة ف مصيري
ومسيري أوصل مسيري
أو يوصلولي ولادي
نويت أسحرّ صباحي
أهلي وبيتي وبراحي
واصحّي حتى اللي صاحي
يارب نور فؤادي
رمضان جمعني بصوتي
وصلاتي رفضت سكوتي
يا فرقة لازم تموتي
يا حسي لازم تنادي
الله اكبر الله اكبر
لا اله إلا الله

المؤدى:

مسحراتى العرب

ف السما موال

بينادى حقيقة ف شكل خيال

ما أجمل طعم الامنية

لما تكون الامنية حلال

صوتك يا بلال

واصل للكون

الناس بالتقوى

ومش باللون

ولا دين ولا جنس يفرقنا

ولا جاه ولا عنصر ولا تمييز

الوردة خلقها اللى خلقنا

سبحانه رب كريم وعزيز

صوتك يا بلال

يا أدان الحق

صوتك بيعدى من الاهوال

حسك متحرر م الزنازين

يسمعه احساس مسلم ف الصين
تسمعه بغداد
تسمعه حطين
يسمعه مولانا جلال الدين
وجمال الدين الافغانى
وصلاح الدين
تسمعه ارواح افواج داخلين
باب العبادات
صوتك يابلال
بيحطم اصنام الغفلة
ويقيم صلوات
بيطبطب على قرية فقيرة على حدود الهند
وبمدد الاسماء الحسنى
بيظمن طفلة مذعورة ف ليل البوسنة
وييسهر مع طالب علم ف باكستان
وييشرب من مية زمزم
مع حجاج جاين من جاوة ومن وهران
من أمريكا ومن طهران

من أسبانيا ومن أسوان
لبي الكل
وانا لبيت
آدى ماليزيا
وآدى كويت
آدى بخارى .. وترستان
آدى سومطرة .. وآدى لبنان
آدى طرابلس .. وآدى نيبال
واسمعوا صوت الحبشى بلال
بيكبّر ايمان وحياة
وبينقل ميادين النور
من كعبة مكة لحد الروح التايهة ف الملكوت
صوتك أحلى واصدق صوت
نادى البسطاء
نادى الفقراء لعطاء الله
نادى الرُحماء على بعضهم
أصحاب الشدة على الاعداء

الفجر قيام
والضهر صيام
والعصر سلام
والمغرب كله يبتجمع من شرق وغرب
من باب الرحمة
وباب الحب
من باب الحلم
وباب الشوق
سجدوا وقلوبهم باصة لفوق
على أعلى مقام
ومحمد كان ف الحضرة امام
نور الرحمة ونور الاحلام
شهد الحرية .. ومعناها
وطن الاسلام

المنشد:

مبروك عليكو النهار

ياللى انتو صايمينه

مبروك عليكو الليل

ياللى انتو قايمينه

مبروك عليكو الشهر

رحمة وعبادة وشفاء

وفتح بالمعرفة

من العلى العظيم

الغنى:

باسم الهادي .. لسه بنادي

احلى بلاد للحب .. بلادي

قلبي هلالى .. حسي بلالى

عربى . عربتي .. نورى وزادي

من احساسى ومن وجداني

صوتي يشيل أحلام واغاني

مسلم عربى .. غنايا وطربي

كلمة حق عارفها اداني

قبل ما اصلى .. يصلى فؤادي

باسم الهادي

صوتي أدان .. تكبيرتى صلاه

يوصل آخر الدنيا صداه
من تسابيحى .. تقيد مصابيحى
ييجي الفجر بأمر الله
قبل ما اصلى .. يصلى فؤادى
باسم الهادي
المؤدى؛

مسحراتي العرب
ف قلبى كل ليلة بلال
وصوته عابر الأجيال
باعتلى من الرضا مكتوب
باعتلى مع الندى مرسال
يصاحبنى .. ويشجبنى
يظمنى .. يواسينى
يوصلنى .. دروب حنية وطياية
يفكرنى ..

وأنا مانسيتش يا صاحبة
يقولّى : بين على وأبو بكر
آيات الشكر
بتزرع ورد ف الجنة

ولا شيعة ولا سنة

يانبض القسوة والفرقة

قلوب العابدين صادقة

ولسه صدقهم بينا

ولا شيعة ولا سنة

جميع المؤمنين اخوة

ولينا ف الرسول أسوة

على الوحدة .. يجمعنا

ولا شيعة ولا سنة

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعا موحدين

إياك نعبد ونستعين

حس التلاوة

مسحراتى العروبة
حس الجبال والبوادي
حادي الجمال للخصوبة
نويت أسحرً بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرً صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتي العرب

ترتيلي بيصب ف نيلي

رقة واحساس وحلاوة

وبنيت وزوقت سبيلي

على ندى احلى تلاوة

لسانى باسمع ف الحصرى

بقلبي وبروحى وبصرى

تجويد على فن وتغريد

على شوق

من الحس المصرى

على حنان على مية ورد

على رحمة ف عروقى بتسرى

لسانى باسمع ف الحصرى

وباعيش

على صوته

نعيمى

أبدأ صلاتى وتسليمى

يصاحبنى صوت البهيمى

يباركنى حس المتشاوى
يطربنى حس الطبلاوى
يصفالى حس الشيخ عمران
صوت عندليب .. ودعاء كروان
ساعة ما يتلو من القرآن
آيات رضا واعجاز وبيان
المثذنة لما ارتفعت
عرفنا ان الشيخ رفعت
بيشد عودها بأدانه
وهيه دايبه ف وجدانه
نور الآيات
لمس العمران
كل الشهور حاوطت رمضان
والحضرة بدأت بالغفران
عبد الصمد
يتلو " الرحمن "
و " النور "
وبعديها " الفرقان "
يأتينا من حلو الترتيل
وكأننا ف حضرة جبريل

احمد ندا يقرأ " الانسان "
الروح تطيب من أوجاعى
ويهل صوت الشعشاعى
يسقيني من نبع " الكوثر "
و " التوبة " ف ضميرنا بتحضر
وأدى مصطفى من بيت سماعين
صب الندى ف روح السامعين
نعلا معاه من دنيا لدين
صوت العرب
يامستمعين
بيذيع تلاوة علي محمود
جدى انتشى
وآخر العنقود
لما ابتدا بسورة " الاخلاص "
و " قل اعوذ برب الناس "
م البسملة بنقول : الله
ونعيدها تانى ف " صدق الله "
إسمع شعيشع واتهنى
على فرع منسوب للجنة

الصيفى .. غرّد .. والبنا
لاقينا ف السورة وطناً
ورأينا ف الروضة مكاناً
الصيفى .. غرّد .. والبنا
لا عرفت امشى ولا استنى
وبلادى مفتوحة قصاډى
سمعت صوت شيخنا القاضى
عبدالعظيم زاهر راضى
واحمد نعنع لو يقرا
بالقلب اسمع وانصت له
ومصطفى غلوش .. راغب
يقرا الآيات
فابتسمت له
وانا رايع أسحرّ
ف بلادهم
وامد قلبى بمددهم
ألقى ناس بتقول : الله
وألقىنى
ما اعرفش عددهم

أوصل بصوتي .. لأبعدهم
أقول يامصر المحروسة
دول الولاد .. وانا اسعدهم
ولا حد يعزف أرغولك
ولا حد ف الحق .. يطولك
ولا حد بيكي هايتساوى
على ندى .. احلى .. تلاوة ..

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قاييمينه
مبروك عليكو الشهر
رحمة وعبادة وشفافا
وفتح بالمعرفة
من العلى العظيم

المغنى:

إقرالى ما تيسّر .. من صفوة البيان
المصحف المُفسّر .. يملانى بالحنان
بين مكة والمدينة .. قرآن يحس بينا
واللى تركه .. تحسّر .. إقرالى ما تيسّر ..

إقرالى من آياتى .. ما يسمو بالعقول
يشفى لى سنين حياتى .. بصلاتى على الرسول
والشمس وما بناها .. نور القرآن تباهى
بنصر نبينا طه .. صنم الاصنام تكسّر
إقرالى ما تيسّر ..

اهدنى بحق " إقرأ " .. احساس يشعر ويفهم
لسان .. ف الحق .. أجرأ .. وضمير بالعدل أعلم
اجعل ف العلم جاهى .. وصحح لى اتجاهى
واجعلنى يا إلهى .. لكل جميل .. مُيسّر
إقرالى ما تيسّر ..

المؤدى:

إنتى الخلود .. مهما تروحي
لا بتغرقي .. ولا بتنوحى
الدنيا تختار من صمتك
وبتهمسي لى .. وتبوحى
إنتى الخلود .. وانتي حياتى
ونجاتى .. وسفينه نوحى
بسم الله اسمع ترتيلك
المولى يهدينى فتوحى
لو الزمان عنك حاشنى
وصوتك الحلو وحشنى
يقابلنى صوت طه الفشنى
تطيب على البعد جروحى
التقشبندى .. بيمشى وحيد
يملا بلاد الله تغريد
تسايح مدد .. وغنا .. وتجويد
على ما تيسر من روحى

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعاً موحدين
إياك نعبد ونستعين

(*) قراء القرآن الكريم الواردة أسماءهم في هذه القصيدة هم الشيوخ الاجلاء : محمود خليل الحصري، كامل يوسف البهتيمي، محمود صديق المنشاوي، محمد الطيبلاوي، محمد عمران، محمد رفعت، عبد الباسط عبد الصمد، أحمد ندا، عبد الفتاح الشعشاعي، مصطفى إسماعيل، علي محمود، أبو العينين شعيشع، محمد الصيفي، محمود علي البنا، عبد الفتاح القاضي، عبد العظيم زاهر، أحمد نعينع، راغب مصطفى غلوش، طه الفشنى، سيد النقشبندى.

السياسة.. ثومة

مسحراتي العروبة
حس الجبال والبوادي
حادي الجمال للخصوبة
نويت أسحر بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحر صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتى العرب
من المحيط .. للخليج
صوتها يونسنى
هو اللى أسسنى
على " سلوا قلبى "
على " أراك عصى .. "
على " عرفتُ الهوى "
على " دليلى احتار "
على ابراهيم ناجى
بيغنى للاطلاع
على لحن سنباطى
شاف الهوى دمعى
وشربت شرباتى
على صوتها وحضورها
وف ضلها .. ونورها
سمعت عبدالوهاب
ف يوم لقاء السحاب
بينادى ع الاحباب

"اهل الهوى ياليل

فاتوا مضاجعهم

واتجمعوا ياليل

صحبة وانا معهم"

مع بيرم التونسي

مع بليغ حمدى

وأحمد شفيق كامل

الليلة هانغني

مع شعبنا العامل

قرب ياشيخ الغنا

قرب يازكريا

غنى بحريه

هات القصبجى معاك

والعود ..

وهات الرضا ..

فى حضرة السيدة

السيدة .. ثومة ..

من المحيط للخليج
صوتها يونسني
هو اللي أسسني
على همس " رق الحبيب "
" سلوا كؤوسَ الطلا "
في " حانة الأقدار "
" جددت حبك ليه " ؟
" حيرت قلبي معاك "
" حكم علينا الهوى "
" حوّلنا مجرى النيل "
وعشقنا كل جميل
يرقص على غصني
لحن لداوود حسني
مع كلمة من رامى
ومعنى من شوقى
مع نبض عم جاهين
لما يقول " راجعين "
إلى فنون خالدة
فى حضرة السيدة
السيدة .. ثومة ..

من المحيط للخليج

صوتها يونسنى

هو اللى ربانى

على عطر ربانى

هو اللى أسسنى

على دولة للوحدة

والحب غايتها

يحضرنا صوت ناصر

يحكى حكايتها

يحضر ضمير زايد

يروى ف نخلتها

قلب الملك فيصل

يديها معناها

هوارى بومدين

بيعلى رايتها

فى دولة الوحدة

كل الشعوب حاضرة

كل القلوب بتطل

على وعد ست الكل

على سحر " ولد الهدى "

على " دارت الايام "

والحكمة من حسها

رباعية للخيام

" برضاك ياخالقى "

يحضر " حديث الروح "

حارة وصحارى ودوح

ثورة وأمل وجروح

وكل عطر يفوح

وكل قلب يبوح

حاضرين ف حفلتها

عاشين ف غنوتها

أمة حنين .. مُشدة

فى حضرة السيدة ..

السيدة .. ثومة

المنشأ:

مبروك عليكو النهار
ياللى انتو صايمينه
مبروك عليكو الليل
ياللى انتو قايينه
مبروك عليكو الشهر
رحمة وعبادة وشفأ
وفتح بالمعرفة
من العلى العظيم

المغنى:

إنتو المنى
وانا قلبي محتاج للغنا
مش ح اقدر أصبرع البعاد
ولاح اقدر استنى الميعاد
لازم أشيل للبعد زاد ..
من حيبكم
ايه رأيكم !؟
أسيب مشاعري ف حيبكم

وأسيب حناني يضمكم

وان غربتني وحدتي ..

أرجع واغني بحسكم

مين زيكم ..

يا أرق من لمسة مطر

يا أحلى عزف على الوتر

يا أحلى من شمس وقمر

لما ينور حلمكم

ايه رأيكم !؟

أسيب مشاعري ف حيكم

وأسيب حناني يضمكم

وان غربتني وحدتي ..

أرجع واغني بحسكم

المؤدى:

كنا نسيج وبقينا مزيج

من المشاعر والأهازيج

اسرتنا ثومة بقولة آه

لقينا معنى جميل وبهيج

ف " أصيلة " قالوا الناس : الله
وصل صداها لحد مليج
غنوتها ردت فينا الروح
ام القيوين سهرت ف ابوتيج
الشعر يملا الدنيا .. زهور
احساسها يملا الشعر .. أريج
دى أمة واحدة بإذن الحق
جمّع ف صوتها محيط وخليج

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعا موحدين
إياك نعبد ونستعين

الجامعة .. عربية

مسحراتى العروبة
حس الجبال والبوادي
حادي الجمال للخصوبة
نويت أسحرّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرّ صباحى
أهلى وبيتى وبراحى
واصحّى حتى اللى صاحى
يارب نورّ فؤادى
رمضان جمعنى بصوتى
وصلاتى رفضت سكوتى
يافرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتي العرب

حتى ف غير رمضان

وباسحر الاوطان

لو حتى طال الليل

وفضلت وحدياً

حُب الحياة غنوتي

حُب الامل غية

يابلادى لا تفلتى

واتثبتي فياً

سيرى ف نور شمعتى

واتمسكي بيأ

أنا هنا ودقتى

مسموعة بالراحة

رفرف علم دولتى

على ارض طراحة

حسى بصوت غنوتى

ف الجو صدآحة

ف البحر سباحة

ف البر رمّاحة

ف القلب مرتاحة

احلام طيور أمتى

للوحدة مهدية

والجامعة عربية

ع الحب مبنية

فرحة على فرحة

أمنية .. أمنية

ع الحب متأسسة

بالحلم متونسة

بالعربي متجنسة

وبنوها قلياً

اجيال معدية

من دنيا محتلة

إلى أرض مروية

أشعار مندّية

مكتوبة .. مَقْرِيّة

بحروف إلهية

الجامعة عربية

وبنوها بالاصرار
بالشُّهدا والازهار
أجيال من الأحرار
واجهوا مغول وتار
وحروب صليبية
بناها جدي وابوك
أُمرًا وشيوخ وملوك
مصر وسعودية
معناها ياما أضاء
ليلاً كما الاسراء
فيها جمال ونقاء
مُهرة عُمانية
نسايمها نور وضمير
شبابيكها ع التحرير
جناينها طارحة عبير
والخُضرة تونسية
هية الملاذ والدار
واقفة ف خط النار
جامعة القلوب انهار
بسماحة سودانية

مشوارها لسه طويل
وخيالها لسه جميل
يرويهها ويّا النيل
كرم الكوايتية
عاش اللي باني بذوق
قصر الحنان والشوق
جامعة تشوف على ضوء
يمنى وليبية ..

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

الأمة الواحدة.. الحرة الخالدة
فتحت باب الامل .. فتحت باب الرضا
لو يبنوا ما بيننا سد .. نتحدى أى حد
للفرقنة نحط حد .. ونظل من الفضل
ع الامة الواحدة .. الحرة الخالدة

شوق اللقمة مسالكك
وانا قلبى يصدق ليلك
ألا قبلك ساكن ملامحى
فرحة عينى تنادى بك
اخويا وابن عمى .. وروحي عليك تسمى
ونقول للخطوة ضمى .. تتراح الافئدة
ف الامة الواحدة ..

يا عبيون يا مغربية
الصحابة جزائرية
والنهر الليبى يجرى
ف تونس الأبية
لبنان بالخير وعدنى .. خدت العراق ف حضنى
قمر السودان شاهدى .. ويلمتنا اهتدى
للامة الواحدة ..

سِحْر البَحْرين ناداني
 سِحْر الشَط العُمانِي
 لَقِيْت ف الدوحة بلدي
 وف الامارات مكانسي
 م القُدس وم الكويت ..
 روحت الحِجَاز رأيت
 أطهر وأعز بيت ..
 لقلوبنا العِبادَة
 ف الامَة السِواحِدة ..
 كَتَبَ الحب سوري
 وف اليَمَن سوري
 غنى الصومال وقبالي
 موريتانيا تهد سوري
 جزر القمر .. جيبوتي . بانين اجمل بيوتي
 والاردن زارعة قوتي .. وبترويه بالندی
 للامَة السِواحِدة ..

صِدق الكلام سبيلي
 نَجْم السَمما دليلي
 حب الحَيَاة حكايتي
 شَهْد الايمان ف نيلي

مصرى .. عربى ، جهادى
يبدأ من يوم ميلادى
انشد واقول بلادى
بالحب مؤيدة
م الاممة الواحدة

الليل لو كان طويل
لابد هاييجى جليل
يبدأ باسم العروبة
يتحدى المستحيل
شارك فى الحياة .. ونصحح الاتجاه
نوصل شط النجاسة .. وننور المدى
للأممة الواحدة

المؤدى؛

الجامعة ..

جامعة وبيت

خدنى الهوى لبيت

طوفت وسعيت وناديت

حلوة حجازية

مولودة ف الطائف

متحاوطة بلطائف

بتطمئن الخائف

بصفاء وحنية

قالتلي مشتاقة

نفتح لنا طاقة

بالحب نتلاقى

في صحبة وردية

مغربنا يحضرنا

مشرقنا ينصرنا

تفرح بأنهارنا

بساتين خليجية

قمة وراقمة

بالعزم والهمة

تتوحد الامة

على أرض حرية

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعا موحدين

إياك نعبد ونستعين